

- swestir und brudir.
 sine kunnelinge.
 durh die gotis minne.
 eigin und lehin.
 30. wil er grote flehin.
 deme gibit er sine hulde.
 so wirt iz ime uirgoldin.
 alliz cehinziefalt.
 daz ist iedoh ein groz gelt.
 35. und dannoh michil baz.
 swenne iz kumit an daz.
 daz er hinnen wendit.
 uon diesem enelende.
 so wirt is ime weiz got.
 40. harte wol gelonot.
 der hiemil stat ime goffonot.
 so ne weiz ernuwit umbe den tot.
 so intfant in scone.
 die gotis botin urone.
 45. un̄ antwortint in criste.
 da ime niemir ne gebristit.
 der mandunge.
 der niemer nichein zunge.
 uolle zale ne getut.
 50. so mac er wole wesin gut.
 den die hinder ime den tot.
 leidir hant uirdienot.
 den mac er wole frume sin.
 ingegin unsin trehtin.
 55. ob sie werdint fundin.
 gehorsam an ir ende.
 Diese lere uirnam.
 ienir kindischir man.
 der da heizit egidius.
 60. die buch sagint uns sus.
 uon grote iz ime quam.
 daz er in sin herce genam.
 einen stetigin mut.
 do begonde der herre uil gut.
 65. die heiligin script lernin.